



**Claudii Fleurii Abbatis Historia Ecclesiastica**

Ab anno Christi 1725. usque ad annum 1728

**Fleury, Claude**

**August. Vind. [u.a.], 1784**

**VD18 13322648**

§. 16. Duodecim articuli a Cardinale Noaillio propositi, & Romæ examinati.

---

[urn:nbn:de:hbz:466:1-67667](https://nbn-resolving.de/urn:nbn:de:hbz:466:1-67667)

§. XVI.

Sæc. XVII.  
A.C. 1725.

Duodecim articuli a Cardinale Noailio propositi, & Romæ examinati.

Jam supra meminimus, quod Cardinalis Noaillius duodecim doctrinæ articulos Romam transmiserit, sicut subjectionem pollicitus, si eos summus Pontifex approbaturus esset. At Benedictus XIII. in suo responso, quod ad Cardinalis Noaillii literas dedit, haud obscure significabat, sibi summopere displicere ambages hucusque studiosius quæsitas; vix aliam magisque planam reconciliationis viam superesse, quam si Constitutionem *Ungenus* pure & simpliciter acceptare, & ipse Archiepiscopus generoso suo exemplo præcipuos factionis Præfules ad parem submissionem pertrahere vellet. Hoc Pontificis responso parum contentus Cardinalis, die decima quarta Januarii ad Eundem perscripsit, se vehementer mirari, quod Sanctitas sua adhuc plura ab ipso peteret, cum tamen sibi omnino persuasum habuisset, se voluntati Pontificis plene satisfecisse, partim quod sinceram pollicitus esset subjectionem, partim quod transmissis doctrinæ articulis puræ fidei suæ testi-

Lafiteau  
*Hist. de la  
Const. l. 5.*

G 4

mo-

Sæc. XVIII. monium reddidisset, nil proin aliud su-  
A. C. 1725. pereesse, nisi ut Sanctitas sua hos articulos approbaret, & ipsamet negotium bene cœptum perficeret. Cum vero interim Parisis Regii Senatus decreto præfati articuli supprimerentur, & nihilominus incertus æque ac falsus rumor passim spargeretur, hos a summo Pontifice fuisse approbatos, Franciæ Rex Cardinali Polignaco, qui Romæ Res Gallicas procurabat, in mandatis dedit, ut summo Pontifici supplicaret, quatenus specialem indiceret Cardinalium Congregationem, in qua de his articulis id statuerentur, quo tandem præsentes controversiæ ad optatum finem perducerentur: Igitur Pontifex ad Regis vota inclinatus, Pauluccium, Ottobonum, Corradinum, Tolomæum, & Pipiam Cardinales nominabat, hisque, adjuncto Maiellio, qui a secretis esset, præcepit, ut habita inter se deliberatione matura de opportunis consultarent mediis, quibus Noaillius Cardinalis ad saniora reduci posset. Hi ergo frequentes habent Conventus, & ut optatam Cardinalis reconciliationem efficerent, in excogitandis, quæ ceteris leniora essent, mediis integrum bimestre absunt. Tandem vero unanimi omnium consilio declarant, ad Noaillum Sedi Apostolicæ concilian-  
dum

dum nil aptius videri, nisi ut præpri-  
mis Constitutionem *Unigenitus* pure &  
simpliciter amplecteretur, & præter  
suam appellationem cuncta, quæ huc-  
usque contra eam ore, calamo & opere  
egisset, sincere revocaret, ac nomina-  
tim suam Instructionem Pastoralem re-  
jiceret: Hæc omnia jam olim Inno-  
centius XIII. a Noaillio exegerat, quo-  
circa Pontifex de hujus consilii succe-  
su dubitans, a præfatæ Congregatio-  
nis Cardinalibus petiit, ut ipsemet id-  
eam conficerent epistolæ, per quam  
Noaillius Cardinalis suam revocatio-  
nen ad mentem Congregationis uni-  
verso Orbi notam faceret, palamque  
declararet, quod sua agendi ratio, qua  
hucusque Constitutioni repugnasset,  
haud immerito summi Pontificis ani-  
mum afflixisset, ac propterea sacræ Se-  
dis indignationem fuisset promeritus,  
nunc vero ipsemet omnia improbraret,  
quæ in ejus actionibus, sermonibus,  
scriptis, ac præsertim in Instructione  
Pastorali Romæ fuissent rejecta: proin  
Constitutionem *Unigenitus* pure & sim-  
pliciter acceptaret, cunctisque sibi sub-  
jectis injungeret, ut omnes pari obse-  
quio sese huic Bullæ subjicerent: Hu-  
jus epistolæ exemplum Pontifex ad  
Noaillum Cardinalem transmisit, spe  
fretus, hunc juxta Congregationis con-

Sæc.XVIII.  
A.C. 1725.

G 5 filium

Sæc. XVIII. filium debitam Constitutioni obedientiam eo promptiori animo delaturum,  
A. C. 1725 quo solemniori decreto nuper in Roma-  
na Synodo sanctum nosset, hanc Con-  
stitutionem *veluti Regulam fidei* a Papa,  
Cardinalibus, Episcopis Suburbicariis,  
& maximo Præfulum numero fuisse  
assumptam, hosque rursus eidem si-  
cero corde fese subjecisse, suamque con-  
stantem, ac inviolabilem submissionem  
solemni declaratione, authentico testi-  
monio, & æternum perennaturo spe-  
cimine comprobasse: Præterea Ponti-  
fex, ut Noaillum eo certius ad ob-  
sequium revocaret, Eidem insinuari  
curavit, quod quamprimum huic Con-  
gregationis consilio acquieverit, atque  
epistolam ab ea submissam publico prelo  
commiserit, quantocius Pontifex ad  
eum datus esset literas, quibus de  
sacræ Sedis gratia, paterna Pontificis  
benevolentia, & plena reconciliatione  
certior redderetur: Denique P. Gra-  
vesonius Ord. FF. Præd. Vir longe do-  
ctissimus die tertia Maij datis literis  
Noaillio auctor erat, ut is proposito re-  
conciliationis medio accedere vellet,  
& quidem primo, eoque heroica hæc  
sui ipsius victoria communi omnium ap-  
plausu exciperetur, pacem Ecclesiæ  
redderet suosque vel potius veritatis  
hostes, qui Constitutionem ab ipso nun-  
quam

quam vere & sincere recipiendam ubi  
que spargunt, rubore suffunderet. Se-  
cundo, quod acceptato Congregationis  
consilio honor summi Pontificis in tuto  
collocaretur contra eos, qui Papam  
malæ fidei incusare, propositumque  
reconciliationis modum nonnisi collu-  
sionem, iniquitatis mysterium, opus-  
que tenebrarum vocare audent, eoque  
Pontificis fidem in discriminem adduci,  
Clementis XI. memoriam infamari, &  
Constitutionis Vindicibus, sacræ Sedi,  
& Universæ Ecclesiæ probrum & maculam  
aspergi criminantur. Tertio quod in re-  
jecto consilio a S.Congregatione oblato  
Noaillii hostes pœna canerent, & ubi-  
que divulgarent, se haud temere su-  
spicatos fuisse, quod ipse Constitutio-  
nenm sincero nunquam animo sit rece-  
pturus : Expositis hisce rationibus  
P. Gravesonius Noaillum insuper per-  
demisse rogabat, ut amore pacis, &  
pro bono Ecclesiæ privata sua studia  
publicæ utilitatib[us] libare, summoque Pon-  
tifici hoc solatii genus afferre vellet,  
ac denique serio perpenderet, quanta  
& quam prorsus heroica patientia Pon-  
tifex vexationes, atrocissimosque in-  
sultus hucusque perpessus sit a Noaillii  
hostibus, qui eoipso Pontificis quoque  
hostes tam aperte essent, ut Hic jure  
cum Psalmista conqueri posset: *Nonne  
qui*

Sæc.XVIII.  
A. C. 1725.

Sæc. XVIII. qui oderant te, oderam, & super inimi-  
A. C. 1725. cos tuos tabescet.

## §. XVII.

*Propositus Reconciliationis modus a  
Noaillio Cardinale rejectus.*

Quamvis Cardinalis Noaillius P. Gra-  
vesonio intima familiaritate con-  
junctus, & aliunde de paterna Ponti-  
ficiis benevolentia optime persuasus es-  
set, eorum tamen consiliis hac in re  
aquietescere noluit; ne vero temere ac  
proprio arbitratu quicquam egisse vi-  
deretur; die decima octava Maij Con-  
fluentium secessit, ibidem cum P. La  
Tour Generali Congregationis Patrum  
Oratorii, cum Vivantio Cancellario,  
Coueto, Parocho ad S. Paulum, Patre  
de la Borde, & Dorsanno, hac super  
re consultationem instituit. Horum  
autem omnium sententia eo abibat,  
unionem quidem cum Pontifice, sacra-  
que Sede non esse scindendam, nec  
tamen propterea propositum conciliandi  
modum esse adoptandum: Hujus vero  
judicii rationes petebant 1. ex ipsa a-  
gendi ratione, quam tenuisset Pontifex,  
2. ex propositi consilii conditione, 3. ex  
damnis, quæ ex divulgata Congrega-  
tionis epistola orirentur: Circa primum  
observabant, quod Pontifex, nescio  
quanta